



SLUŽBA ZA REVIZIJU FINANSIJSKOG POSLOVANJA

Na osnovu člana 14. stav (1) Zakona o finansiranju političkih stranaka («Službeni glasnik BiH» broj 22/00 i 102/09), člana 24. Pravilnika o godišnjim finansijskim izvještajima političkih stranaka («Službeni glasnik BiH» broj 61/06), a u skladu sa članom 12. Pravilnika o administrativnim procedurama pregleda, kontrole i revizije finansijskih izvještaja političkih stranaka («Službeni glasnik BiH» broj 103/08), izdajem

IZVJEŠTAJ O PREGLEDU GODIŠNJEG FINANSIJSKOG IZVJEŠTAJA ZA 2008. GODINU SOCIJALDEMOKRATSKE UNIJE BOSNE I HERCEGOVINE

Broj: 03-07-6-8/09
Sarajevo, 13. maja 2010. godine

S A D R Ź A J

MIŠLJENJE REVIZORA	3
1. UVOD	4
2. PREDSTAVLJANJE POLITIČKE STRANKE	4
3. OPIS PREGLEDA I KONTROLE FINANSIJSKOG IZVJEŠTAJA	5
Predmet pregleda i kontrole	5
Cilj pregleda i kontrole	5
Obim pregleda i kontrole	5
4. PRETHODNE KONTROLE I REVIZIJE	5
5. NALAZI I PREPORUKE	6
5.1. NALAZI.....	6
5.2. PREPORUKE	9

MIŠLJENJE REVIZORA

Služba za reviziju finansijskog poslovanja u Centralnoj izbornoj komisiji Bosne i Hercegovine izvršila je pregled finansijskih izvještaja Socijaldemokratske unije Bosne i Hercegovine i to: godišnjeg finansijskog izvještaja za 2008. godinu i finansijskog izvještaja za period od dana podnošenja prijave za ovjeru za izbore do dana ovjere rezultata Lokalnih izbora, održanih u oktobru 2008. godine.

Rukovodstvo stranke je odgovorno za finansijske izvještaje, postupanje stranke u skladu sa Zakonom o finansiranju političkih stranaka i članom 15.10 Izbornog zakona BiH i uspostavljanje efikasnog sistema internih kontrola.

Pregled smo obavili u skladu sa revizijskim standardima primjenjivim na angažmanu u pregledu. Ovi standardi zahtijevaju da planiramo i izvršimo pregled da bi dobili umjerenu pouzdanost da stranka nije značajno kršila odredbe Zakona o finansiranju političkih stranaka.

Pregled je ograničen na kontrolu godišnjeg finansijskog izvještaja političke stranke i primjenu analitičkih procedura na podacima iz finansijskih izvještaja, pa prema tome ne obezbjeđuju pouzdanost koja bi se dobila izvršenom revizijom u prostorijama stranke.

Na osnovu obavljenog pregleda utvrđeno je da sljedeće:

- 1. Socijaldemokratska unija Bosne i Hercegovine prekršila je odredbe člana 6., člana 8. stav (1) i člana 11. stav (1) Zakona o finansiranju političkih stranaka.**
- 2. Stranka je prekršila odredbe člana 11. stav (3) Zakona o finansiranju političkih stranaka jer nije obrasce godišnjeg finansijskog izvještaja popunila u skladu sa Pravilnikom o godišnjim finansijskim izvještajima političkih stranaka.**

Na osnovu našeg pregleda, odnosno kontrole finansijskog izvještaja, osim gornjih napomena pod 1. i 2., nismo zapazili ništa značajno što bi ukazalo na nedostatke u finansijskom izvještaju ili na finansiranje ove političke stranke suprotno odredbama Zakona o finansiranju političkih stranaka i člana 15.10 Izbornog zakona BiH.

1. UVOD

Služba za reviziju finansijskog poslovanja u Centralnoj izbornoj komisiji Bosne i Hercegovine izvršila je pregled finansijskih izvještaja Socijaldemokratske unije Bosne i Hercegovine i to: godišnjeg finansijskog izvještaja za 2008. godinu i finansijskog izvještaja za period od dana podnošenja prijave za ovjeru za izbore do dana ovjere rezultata Lokalnih izbora, održanih u oktobru 2008. godine.

Pregled i kontrola finansijskog izvještaja su provedeni u skladu sa članom 25. Pravilnika o godišnjim finansijskim izvještajima političkih stranaka i članom 2. Pravilnika o administrativnim procedurama pregleda, kontrole i revizije finansijskih izvještaja.

Zbog činjenice da nije obavljena revizija u prostorijama političke stranke, postoji mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja Socijaldemokratska unija Bosne i Hercegovine je iskazala ukupne prihode u iznosu od 384.207,81 KM, čija struktura je data u sljedećoj tabeli:

Red. br.	Vrsta prihoda	Iznos u KM	Učešće u uk. prih. %
1	Članarina	4.010,00	1,04%
2	Prilozi fizičkih lica	0,00	0,00%
3	Prilozi pravnih lica	0,00	0,00%
4	Prihodi od imovine	0,00	0,00%
5	Prihodi od pr.lica	0,00	0,00%
6	Prihodi od poklona	0,00	0,00%
7	Prihodi iz budžeta	380.207,81	98,96%
	Ostali prihodi		0,00%
	Ukupni prihodi:	384.217,81	100,00%

U godišnjem finansijskom izvještaju Socijaldemokratska unija Bosne i Hercegovine je iskazala ukupne rashode u iznosu od 661.234,16 KM¹.

2. PREDSTAVLJANJE POLITIČKE STRANKE

Naziv političke stranke: Socijaldemokratska unija Bosne i Hercegovine. Skraćeni naziv stranke je SDU BiH.

SDU BiH je registrovana 2002. godine kod Kantonalnog suda u Sarajevu pod brojem R-I-9/02. Rješenjem Opštinskog suda u Sarajevu broj: 065-0-Reg-07-003805 od 20.05.2008. godine u registar upisana je promjena lica ovlaštenih za zastupanje i predstavljanje Socijaldemokratske unije Bosne i Hercegovine.

Sjedište političke stranke je u Sarajevu, ulica Maršala Tita br. 9a. Privremena adresa stranke je Soukbunar br. 7, Sarajevo.

Prema podacima iz godišnjeg finansijskog izvještaja za 2008. godinu, za zastupanje stranka ovlašteni su Nermin Pećanac, predsjednik, Miro Lazović, podpredsjednik, Ivo Komšić, podpredsjednik, Emdžad Galijašević, podpredsjednik, Slavko Dragičević, podpredsjednik.

Lice ovlašteno za podnošenje finansijskih izvještaja za 2008. godinu je Ramiz Kadrić.

¹ Podaci iz obrasca 4 dopunjenog godišnjeg finansijskog izvještaja SDU BiH za 2008. godinu koji je dostavljen dana 24.09.2009. godine.

Prema podacima iz godišnjeg finansijskog izvještaja za 2008. godinu, organizacionu strukturu SDU BiH čine:

- Centrala,
- 4 kantonalna odbora,
- 2 regionalna odbora,
- 22 opštinska odbora,
- gradski odbor i
- parlamentarna grupa SDU BiH.

3. OPIS PREGLEDA I KONTROLE FINANSIJSKOG IZVJEŠTAJA

Predmet pregleda i kontrole je godišnji finansijski izvještaj Socijaldemokratske unije Bosne i Hercegovine za 2008. godinu i finansijski izvještaj za period od dana podnošenja prijave za ovjeru za izbore do dana ovjere rezultata lokalnih izbora, održanih u oktobru 2008. godine.

Cilj pregleda i kontrole je da revizor na bazi finansijskog izvještaja pokuša da ustanovi da li je politička stranka u izvještajnom periodu postupala u skladu sa odredbama Zakona o finansiranju političkih stranaka i odredbama člana 15.10 Izbornog zakona BiH. Ukoliko revizor na bazi kontrole finansijskog izvještaja utvrdi određena kršenja navedenih zakona, ocjenjuje da li je potrebno izvršiti terensku reviziju da bi mogao izraziti mišljenje o tome da li se stranka finansirala u skladu sa Zakonom o finansiranju političkih stranaka i da li su troškovi predizborne kampanje u okviru zakonom dozvoljenih.

Obim pregleda i kontrole finansijskih izvještaja Socijaldemokratske unije Bosne i Hercegovine obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka i odredbama člana 15.10 Izbornog zakona BiH, odnosno usklađenosti izvora finansiranja i načina trošenja sredstava, sa posebnim naglaskom na prihode iz budžeta i troškove predizborne kampanje.

4. PRETHODNE KONTROLE I REVIZIJE

Izvršena je revizija godišnjih finansijskih izvještaja Socijaldemokratske unije Bosne i Hercegovine za 2005. i 2006. godinu i izdati su izvještaji o reviziji sa mišljenjem revizora, nalazima i preporukama revizije.

Služba za reviziju je, takođe, izvršila pregled godišnjeg finansijskog izvještaja za 2007. godinu izdala izvještaj o pregled sa mišljenjem revizora, nalazima i preporukama da stranka treba da postupi u skladu sa odredbama člana 11. stav (1), stav (3) i stav (4) Zakona o finansiranju političkih stranaka i 15.10 Izbornog zakona BiH.

Nerealizovane preporuke

Na osnovu uočenih nedostataka u godišnjem finansijskom izvještaju za 2008. godinu, utvrđeno je da politička stranka nije ispoštovala sve preporuke koje su date u navedenim izvještajima. Stranka nije vodila adekvatne evidencije o svojim prihodima i rashodima i godišnji finansijski izvještaj nije popunila u skladu sa Pravilnikom o godišnjim finansijskim izvještajima političkih stranaka.

5. NALAZI I PREPORUKE

5.1. NALAZI

a) Socijaldemokratska unija Bosne i Hercegovine prekršila je odredbe člana 6. Zakona o finansiranju političkih stranaka.

Pregledom transakcijskih računa Socijaldemokratske unije Bosne i Hercegovine utvrđeno je da je stranka primila prilog pravnog lica „Zira“doo Sarajevo u iznosu od 3.000,00 KM². Služba za reviziju je utvrdila da stranka ovaj prilog nije iskazala u obrascu 3-b, čime je prekršila odredbe člana 6. Zakona o finansiranju političkih stranaka i člana 15. Pravilnika o godišnjim finansijskim izvještajima političkih stranaka.

b) Stranka je prekršila odredbe člana 8. stav (1) Zakona o finansiranju političkih stranaka.³

Na osnovu dodatne dokumentacije, utvrđeno je da su sljedeći odbori Socijaldemokratske unije BiH koristili bez naknade prostorije opštinskih organa uprave i udruženja:

- Socijaldemokratska unija BiH je koristila prostorije Centra za lokalni razvoj Glamoč bez plaćanja naknade.⁴
- OO SDU BiH Centar je, na osnovu Ugovora o korištenju poslovnih prostorija, koristio prostorije Općine Centar.⁵
- Socijaldemokratska unija Bosne i Hercegovine je bez naknade koristila poslovne prostorije Općine Živinice.⁶
- Općinski odbor SDU BiH Ilijaš je koristio prostorije Općine Ilijaš bez naknade, a na osnovu Ugovora o zakupu poslovnih prostorija.
- OO SDU BiH Novo Sarajevo je koristio prostorije Općine Novo Sarajevo bez plaćanja zakupnine.
- Općinski odbor SDU BiH Ilidža je tokom 2008. godine bez naknade koristio prostorije Općine Ilidža, površine 8,94 m². Takođe, shodno Odluci Općinskog vijeća Ilidža⁷, stranka nije imala obavezu da plaća električnu energiju, vodu, centralno grijanje, niti naknadu za odvoz smeća i redovno održavanje zajedničkih prostorija.

Korištenjem prostorija opštinskih organa uprave i Centra za lokalni razvoj Glamoč bez naknade, stranka je postupila suprotno odredbama člana 8. stav (1) Zakona o finansiranju političkih stranaka.

² Sredstva su uplaćena dana 03.06.2008. godine na transakcijski račun broj: 1410010002583081 kod Bosnia bank international dd.

³ Državni, entitetski i kantonalni organi, organi opštinskih i mjesnih zajednica, javne institucije, javna preduzeća, humanitarne organizacije, preduzeća koja su po svojoj djelatnosti isključivo neprofitna, vjerske zajednice, kao i privredna udruženja u kojima uloženi javni kapital iznosi najmanje 25% ne mogu da finansiraju političke stranke.

⁴ Dopis OO SDU BiH broj: 46/09 od 17.09.2009. godine i Ugovor o korištenju poslovnog prostora od 15.12.2007. godine.

⁵ Ugovor broj: 04-49-165-20/05 od 21.03.2005. godine.

⁶ Dopis Općine Živinice broj: 02-05-2324 od 30.03.2009. godine.

⁷ Odluka o dodjeli na korištenje bez naknade poslovnih prostorija Općine Ilidža br. 01-02-339/08-8 od 19.02.2008. godine.

c) Stranka je prekršila odredbe člana 11. stav (1) i stav (3) Zakona o finansiranju političkih stranaka.⁸

Na osnovu obavljenog pregleda utvrđeno je da Socijaldemokratska unija Bosne i Hercegovine nije vodila adekvatne evidencije o svojim prihodima i rashodima i da godišnji finansijski izvještaj za 2008. godinu nije popunila u skladu sa Pravilnikom o godišnjim finansijskim izvještajima političkih stranaka, čime su prekršene odredbe člana 11. stav (1) i stav (3) Zakona o finansiranju političkih stranaka.

- Socijaldemokratska unija Bosne i Hercegovine prekršila je odredbe člana 11. Pravilnika o godišnjim finansijskim izvještajima političkih stranaka jer nije pravilno popunila obrazac 2 (pregled prometa svih transakcijskih računa političke stranke) godišnjeg finansijskog izvještaja.

Kontrolom je utvrđeno da u godišnjem finansijskom izvještaju za 2008. godinu nisu iskazani podaci o sljedećim transakcijskim računima Socijaldemokratske unije Bosne i Hercegovine:

- transakcijski račun broj: 1293069401561214 otvoren kod HVB i CPB, Poslovnica Breza, i transakcijski račun broj: 338900220305893 kod UniCredit banke na koji je Klub vijećnika SDU BiH Breza primio sredstva iz Budžeta Općine Breza;
- transakcijski račun broj: 1322800311683907, otvoren u NLB Tuzlanskoj banci putem kojih je SDU BiH primila dio sredstava iz Budžeta Općine Doboj Istok,
- transakcijski račun broj: 141001002583081, otvoren kod Bosnia Bank International dd Sarajevo putem kojeg je SDU BiH primila sredstva iz budžeta Općine Centar i Grada Sarajevo⁹,
- transakcijski račun broj: 1321400311523927 otvoren kod NLB Tuzlanske banke dd Tuzla putem koga je SDU BiH primila sredstva iz Budžeta Općine Kalesija,
- transakcijske račune broj: 1610000036460759 i 1610250023060051 koji su otvoreni kod Raiffeisen bank dd¹⁰.

Prema odredbama člana 11. Pravilnika o godišnjim finansijskim izvještajima političkih stranaka, stranka je u obrazac 2 trebala unijeti sljedeće podatke: naziv organizacionog dijela, broj računa, naziv banke, stanje računa na dan 01.01. ili stanje na dan otvaranja računa, ukupan promet ulaza bez početnog salda, ukupan promet izlaza i stanje na dan 31.12., odnosno do momenta gašenja računa.

- Uvidom u blagajničke izvještaje Centrale SDU BiH za period od 01.01. do 31.12.2008. godine, utvrđeno je da stranka u obrascu 2-1 (pregled stanja blagajne) nije pravilno iskazala podatke o početnom stanju, ukupnim ulazima u blagajnu i izlazima iz blagajne ovog organizacionog dijela stranke. Prema podacima iz blagajničkog izvještaja početno stanje na dan 01.01.2008. godine je iznosilo 0,00 KM, a u obrascu 2 je iskazano stanje 86,50 KM. Promet ulaza je iznosio 38.785,60 KM, odnosno izlaza 38.670,49 KM, dok je u obrascu 2 iskazan promet ulaza 28.024,00 KM, odnosno promet izlaza 27.997,37 KM.
- Kontrolom je utvrđeno da Socijaldemokratska unija Bosne i Hercegovine nije pravilno popunila obrazac 3-f (prihodi iz budžeta) godišnjeg finansijskog izvještaja jer nije iskazala sve prihode koje je u 2008. godini primila iz budžeta Federacije Bosne i Hercegovine, Grada Sarajevo i općina, čime je prekršila odredbe člana 19. Pravilnika o godišnjim finansijskim izvještajima političkih stranaka.

⁸ U skladu sa članom 11. stav (1) Zakona o finansiranju političkih stranaka političke stranke su obavezne voditi evidenciju o svojim prihodima i rashodima. U skladu sa članom 11. stav (3) Zakona politička stranka je obavezna da Centralnoj izbornoj komisiji Bosne i Hercegovine podnosi finansijske izvještaje na obrascima koje je odobrila CIK BiH, a čiji su sadržaj i forma propisani Pravilnikom o godišnjim finansijskim izvještajima političkih stranaka.

⁹ Prema podacima iz Jedinštenog registra transakcijskih računa Centralne banke Bosne i Hercegovine ovaj transakcijski račun je na dan 06.02.2009. godine blokiran

¹⁰ Podaci iz Jedinštenog registra transakcijskih računa Centralne banke Bosne i Hercegovine od 20.10.2009. godine.

Socijaldemokratska unija Bosne i Hercegovine je iskazala prihode iz budžeta Federacije Bosne i Hercegovine za 10.000,00 KM manje u odnosu na ostvarene. Uvidom u izvode sa transakcijskog računa Centrale SDU BiH Sarajevo utvrđeno je da je stranci iz budžeta Federacije Bosne i Hercegovine uplaćeno 110.090,00 KM, a da je u godišnjem finansijskom izvještaju iskazan prihod u iznosu od 100.090,00 KM.

Socijaldemokratska unija Bosne i Hercegovine nije iskazala ni prihode iz budžeta Grada Sarajeva u iznosu od 4.333,32 KM.

Na osnovu podataka koje su dostavile općine, utvrđeno je da je SDU BiH u godišnjem finansijskom izvještaju nije iskazala prihode iz budžeta sljedećih općina:

Naziv općine	Iznos
Općina Kalesija	3.275,00
Općina Bihać	2.347,50
Općina Breza	1.781,28
Općina Novi Travnik	300,00
Općina Centar	21.030,90
Ukupno:	28.734,68

Takođe, stranka u godišnjem finansijskom izvještaju nije iskazala prihode iz budžeta Općine Doboj Istok u iznosu od 2.520,00 KM. Služba za reviziju je utvrdila da su na transakcijski račun Centrale SDU BiH iz budžeta ove općine uplaćena sredstva u iznosu od 1.260,00 KM, a da je razlika od 1.260,00 KM uplaćena na transakcijski račun broj: 1322800311683907.

Pored navedenog, Socijaldemokratska unija Bosne i Hercegovine je u obrascu prihoda iz budžeta iskazala prihode u iznosu od 5.000,00 KM, za koje je navela da je primila od CIPS-a. Uvidom u izvode sa transakcijskog računa Centrale SDU BiH utvrđeno je stranka primila 5.000,00 KM iz budžeta Bosne i Hercegovine na ime povrata takse za ovjeru za učešće na Lokalnim izborima 2008. godine. Obzirom da se ne radi o prihodima, već o povratu takse, stranka ova sredstva nije trebala iskazati kao prihode iz budžeta.

Na osnovu svega navedenog slijedi da podaci o ukupnim prihodima stranke u obrascu 3 godišnjeg finansijskog izvještaja nisu tačno iskazani, čime su prekršene i odredbe člana 13. Pravilnika o godišnjim finansijskim izvještajima političkih stranaka.

- Uvidom u obrazac 4-1 (režijsko-administrativnih i ostalih troškova) Centrale SDU BiH, utvrđeno je da su iskazani i troškovi po osnovu prenosa sredstava nižim organizacionim dijelovima stranke u ukupnom iznosu od 69.250,00 KM. Takođe je u obrascu 4-1 Parlamentarne grupe SDU BiH iskazan prenos novčanih sredstava nižim organizacionim dijelovima stranke u iznosu od 202.202,00 KM. Stranka je na taj način iskazala veće ukupne rashode u odnosu na ostvarene, čime je postupila suprotno odredbama člana 20. Pravilnika o godišnjim finansijskim izvještajima političkih stranaka. Ističemo da se u skladu sa članom 20. stav (4) istog Pravilnika novčana sredstva koja jedan organizacioni dio prenosi drugom organizacionom dijelu unutar političke stranke ne smatra rashodom.

Socijaldemokratska unija Bosne i Hercegovine nije u obrascima režijsko-administrativnih i ostalih troškova iskazala troškove zakupa za poslovne prostorije koje koriste Kantonalni odbor SDU BiH Tuzla u iznosu od 2.240,00 KM i Općinski odbor SDU BiH Gračanica u iznosu od 234,00 KM¹¹.

¹¹ Ugovor o zakupu poslovnog prostora broj: 02-28/08 od 25.04.2008. godine, površine 10 m². Mjesečna zakupnina iznosi 117,00 KM.

Uvidom u obrasce godišnjeg finansijskog izvještaja stranke za 2008. godinu utvrđeno je da SDU BiH nije dostavila obrasce godišnjeg finansijskog izvještaja za OO SDU BiH Kalesija. Prema podacima koje je dostavila Općina Kalesija, utvrđeno je da je Socijaldemokratska unija Bosne i Hercegovine na osnovu Odluke o načinu i uslovima raspodjele poslovnog prostora u stambeno-poslovnoj zgradi „Stari MUP“ u Kalesiji koristila prostorije površine 12 m², uz mjesečnu zakupninu od 12,00 KM. Stranka troškove zakupa nije iskazala u obrascima režijsko-administrativnih i ostalih troškova.

Služba za reviziju je utvrdila i da Socijaldemokratska unija BiH nije u obrascu 4-2 Centrale stranke navela sve troškove propagande. Naime, uvidom u bruto bilans Centrale SDU BiH za 2008. godinu utvrđeno je da stranka nije u obrascu 4-2 Centrale SDU BiH iskazala troškove propagande u iznosu od 23.409,42 KM¹². Osim navedenog, podaci o troškovima kampanje koji su iskazani u obrascu 4-2 godišnjeg finansijskog izvještaja za 2008. godinu ne odgovaraju podacima koji su iskazani u postizbornom finansijskom izvještaju.

Troškovi predizborne kampanje

Socijaldemokratska unija Bosne i Hercegovine je postupila u skladu sa odredbama člana 15.10 Izbornog zakona BiH, odnosno u svrhu izborne kampanje je potrošila 188.761,00 KM.

Prema odredbama člana 15.10 Izbornog zakona BiH politička stranka za potrebe izborne kampanje ne smije potrošiti više od 0,30 odnosno 0,20 KM¹³ po biraču u svakom izbornom krugu, prema broju birača koje je objavila Centralna izborna komisija BiH. Prema podacima Centralne izborne komisije BiH, Socijaldemokratska unija Bosne i Hercegovine je u svrhu izborne kampanje mogla da potroši 300.334,35 KM.

5.2. PREPORUKE

Preporučuje se Socijaldemokratskoj uniji Bosne i Hercegovine da se pridržava odredbi Zakona o finansiranju političkih stranaka, a posebno na osnovu uočenih nedostataka se preporučuje:

- *da postupa u skladu sa odredbama člana 6., člana 8. stav (1) i člana 11. stav (1) i stav (3) Zakona o finansiranju političkih stranaka i to:*
 - *da u finansijskom izvještaju prijavljuje sve priloge iznad 100 KM,*
 - *da ne prima priloge koji su zabranjeni ovim zakonom,*
 - *da vodi evidencije o svojim prihodima i rashodima, i*
 - *da finansijske izvještaje koje podnosi Centralnoj izbornoj komisiji BiH sačinjava u formi propisanog Pravilnikom o godišnjim finansijskim izvještajima političkih stranaka.*

- *da ustroji upravljanje gotovinom putem blagajne i uvede obavezu vođenja blagajničkih izvještaja na dnevnom nivou uz obavezne priloge (nalog uplate i nalog isplate; dokumenta na osnovu kojih se vrše isplate putem blagajne). Poslovanje blagajne treba urediti tako da se razgraniče dužnosti odobravanja isplate, evidentiranja i isplate gotovine uz prethodno definisanje visine blagajničkog maksimuma¹⁴.*

¹² Kto 40155 – 6.150,00 KM, kto 40156 - 4.219,42, kto 40157 – 6.520,00 i kto 401570 – 6.520,00 KM.

¹³ Član 15.10 stav (2) propisuje da se maksimalno dozvoljeni iznos za finansiranje izborne kampanje izračunava tako što se broj glasača u svim izbornim jedinicama u kojima politički subjekt ima kandidatsku listu ili kandidata pomnoži sa: 30 feninga za načelnika opštine odnosno gradonačelnika i za članove skupštine opštine, članove Narodne skupštine RS i Predstavničkog doma Parlamenta Federacije BiH, članove Parlamentarne skupštine BiH, člana Predsjedništva BiH, i predsjednika i potpredsjednike RS, odnosno 20 feninga za izbore za članove kantonalnih skupština.

¹⁴ Blagajnički izvještaji su sačinjavani na mjesečnom nivou. Saldo blagajne na dan 28.02.2008. godine je iznosio -57,44 KM, odnosno na dan 31.03.2008. je iznosio -31,49 KM.

- *da preduzme korake na uspostavljanju što bolje saradnje i kontrole nad poslovanjem svih organizacionih dijelova stranke, a s ciljem uspostavljanja kontrole nad finansijskim poslovanjem stranke i postupanja u skladu sa odredbama ovog Zakona.*

KOMENTAR:

U ostavljenom roku, Socijaldemokratska unija Bosne i Hercegovine je dostavila primjedbe na Preliminarni izvještaj o pregledu godišnjeg finansijskog izvještaja za 2008. godinu. Stranka je u odgovoru navela da nije imala informaciju o postojanju transakcijskih računa, niti je imala uvid u poslovanje pomenutih računa, te da lica koja nisu potpisnici na spornim računima nisu lica koja zastupaju Socijaldemokratsku uniju BiH. Socijaldemokratska unija je, takođe, istakla da Centralna izborna komisija BiH nije utvrdila činjenično stanje. Uz očitovanje stranka je dostavila kopije dopisa koji su upućeni Centralnoj izornoj komisiji BiH, Tužilaštvu BiH i Ministarstvu unutrašnjih poslova Kantona Sarajevo. Osim navedenog, stranka je navela da smatra korisnim preporuke Službe za reviziju koje prihvata sa rezervom izrečenom u smislu nalaza koji se odnose na transakcijske račune. Služba za reviziju je razmotrila primjedbe stranke.

Na osnovu pribavljene dokumentacije, Služba za reviziju je utvrdila da su transakcijski računi putem kojih je stranka u 2008. godini primila sredstva iz budžeta opština, računi Socijaldemokratske unije BiH, i to: 1322800311683907 i 1321400311523927 kod NLB Tuzlanske banke, i transakcijski račun broj: 1410010002583081 kod Bosnia Bank International.

Iako je Služba za reviziju u Izvještaju o pregledu godišnjeg finansijskog izvještaja za 2007. godinu (dostavljen stranci 06.04.2009. godine) navela da stranka nije prijavila sve transakcijske račune, stranka u prethodnom periodu nije ništa poduzela kako bi sporne račune ugasila (računi 1322800311683907 i 1321400311523927 kod NLB Tuzlanske banke). Ističemo da je Socijaldemokratska unija BiH uz očitovanje Centralnoj izornoj komisiji BiH dostavila i dopis koji je uputila upravi Grada Sarajeva od 13.06.2008. godine, a u kojem je navela da je obaviještena da su na transakcijski račun broj: 1410010002583081 uplaćena sredstva iz budžeta Grada.

Služba za reviziju je mišljenja da je Socijaldemokratska unija BiH odmah po saznanju o postojanju transakcijskih računa trebala obavijestiti nadležne banke o promjeni lica za zastupanje političke stranke i izvršiti izmjenu potpisnika na računima, ili ugasiti transakcijske račune.

Obzirom da su transakcijski računi glase na ime Socijaldemokratske unije BiH, stranka je u potpunosti odgovorna za poslovanje putem ovih transakcijskih računa, Služba za reviziju nije prihvatila primjedbe stranke sem u dijelu koji se odnosio na iskazivanje transakcijskih računa OO Konjic i OO Kladanj.

Mr. Hasida Gušić, šef Službe za reviziju

Sanja Čabrilo, revizor